

سنه لکی در سعادت ایچون مجیدیه
یکرمی فروش حسابیله التمش
غروشددر

طشمره ایچون پوسته اجرئی اوله رق
اون بش غروش ضم اولتور

نسخه سی ۴۰ پاره در

تجدیدیه محاکم عدلیه

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کوئلری نشر اولتور. محتویاتی امور عدلیه یه متعلقدر

جناب ملکدار اعظمیلری احکام منیفه سنجه آن بآن اکتساب مکملیت
ایتمکده بولنان محاکم عدلیه معاملات و محاکماتک نشر واعلانی خدمت
مستلزم المفخرتیه حائز مباحثات اولان [جریده محاکم عدلیه] دخی عتبه
علیای تاجداریلرینه من غیرحد رخسوده عبودیت اوله رق عرض وجیهه
تبریک و تسعیده اجترأ و تمادی ایام عمر و اقبال و توافر شکوه و اجلال
حضرت شهریاریلری دعای مفروض الاداسنی ایصال قبولکاه جناب کبریا
ایلر.



تجارت و تحویل

[چورلی قضاسی بدایت محکمه سی اعضالغنه:]

قدیه بدایت محکمه سی اعضای سابقه سندن علی نابی و محکمه مذکوره اعضای
سابقه سندن بامینونده افندیلر

[خیره بولی قضاسی بدایت محکمه سی اعضالغنه:]

مستخدمین عدلیه دن کلیولی خزینة جلیله دعوی وکیل حافظ سعده و نازللی
مستنطق معاونی بغوص افندیلر

[معلقره قضاسی بدایت محکمه سی اعضالغنه:]

بابای عتیق مقاولات محرر سابق صارم و مستخدمین عدلیه دن و دعوی وکیلارندن
آرام پرتو افندیلر

[شیاق قضاسی بدایت محکمه سی اعضالغنه:]

مستخدمین عدلیه دن حسن فهمی و اینجه صو قضاسی بدایت محکمه سی اعضای
سابقه سندن بدوس افندیلر

[اچقه حصار قضاسی بدایت محکمه سی اعضالغنه:]

عمر و دعوی وکیلارندن استاوری افندیلر

[تیران قضاسی بدایت محکمه سی اعضالغنه:]

لوشنه قضاسی بدایت محکمه سی اعضای سابقه سندن محمد امین و اوده مش قضاسی
زراعت بانک شعبه سی وکیل عیسائی حامی افندیلر تعیین اولتورق مومی الیه مک
علی الاصول اجرای تحلیف لری لزومی محللرینه تبلیغ و انبا قلنمشدر.

ولایتها بوزمینه مقرون

خبر خلافتینا هی

زیب آور اورنک معالی عثمانی مظهر فیوضات سبحانی ولی نعمت
بینتمن پادشاه عالیجاه و معدلتپناه سلطان ابن السلطان الغازی **علیحیدر**
خان ثانی افندمر حضر تلرینک ولادت پر مسعدت همایونلرینه شرفصادف
شهر شعبان المعظمک اون التجی اشبو جمعه کوئی - که مفخر الایام و منور ساز
قلوب خواص و عوامدر - سایه مراحموایه حضرت ظل اللهیلرنده
مستظل امن و امان بالجمله تبعه و بندکان صادق الجنان بوروز فیروزی
تعظیم و تبجیل ایله اظهار مسار بيشمار و اوراد السنه عبودیت اولان
دعوات مفروضه جناب خلافتیناهیلرینی بر آورده زبان صداقتشعار
ایلدکلری کبی تأسیس وسائل عدل و داد و تنظیم امور و مصالح عباد
امرنده شرفریز صحایف صدور و سنوح بیوریلان ارادات معالینایات

تبليغات

بوتیقه وسوء قصد و مغایر آداب حرکتدن ماعدا تهملر ايله محکوم اولان مجرمیندن درسعات حبسخانه عمومیسنده محبوس اولوب لثان مدت جزایه لرخی ا کال ایدن یتیش یش ذکور والی اناک که جمعا سکسان برکیتیک « ولادت هایون میامن مقرون حضرت خلافتیاهی » یوم مبارکته حرمة اخلاى سبیلری وطشره حبسخانه لرنده محکوما محبوس بولان بومثللو مجرمینک دخى عفو عالی جناب پادشاهیدن استفاده اتمک اوزره کیفیتک هر طرفه تلغرافله تبشیری خصوصه اراده مراحم معتاده جناب جهانبائی شرفتماعق بیورلمش اولمغله برمنطوق امر وفرمان هایون اقتضاسنک ایشاقی ضمنتده عدلیه نظارت جلیله سندن ضبطله نظارت جلیله سیله درسعات استیناف مدعی عمومیکنه تذکره لر تسطیر وطشره محاکم استینافیه سی ایدلمش ومذکور حبسخانه عمومیده محبوس اولوب مظهر عفو عالی اولان مجرمینک حضوری معتاد اولان ذوات مواجهه سنده بویوم مسرتده سبیلری تخلیه اولتهرق عمومی طرفندن دعای تمادی عمر واجلال ولی نعمت بیعت اعظمی یاد وتکرار قلمشدر .

اعتراض علی الحکم معاملاتى حقنده انجمن عدلیه دن ویریلان قراردر :

جنحه وقباخته متعلق احکام غیاییه علیهنده وقوع بولان اعتراض اوزرینه تعیین اولان بوم محاکمه ده معترض صفتنده بولان محکوم علیک حاضر بولندینی صورتده اعتراض واقف کان لم یکن حکمنده عدی لزومی مین اولان اصول محاکات جزایه قانونسک یوز یتیش ایکنجی ماده سی حکمنک برنجی یوم محاکمه ده حاضر بولنوبده محکمه جه وجاهاً تدقیقات ومحاکاتنه ابتدار اولمش واکالی وقت آخره تعلیق قلمش اولان موادک ایکنجی واوچنجی دفعه اولق اوزره تعیین اولان محاکمه سی کوننده حضوردن امتناع ایدن معترض حقنده دخى جربائی ایجاب ایده چکندن بمثله محاکمه که هر هانکی درجه سنده اولور ایسه اولسون دعوته اجابت ومعدرتندن حکمه بی خبردار ایتیان معترضه حکم غیایى قبول ایش نظرله باقیلهرق اولاباده کی اعتراض استدعا نامه لرینک ردی بولنده معامله ایشای لازم کله چکی بعض طرفدن وقوع بولان استفسار اوزرینه انجمن عدلیه دن تنظیم قلسان ۱۸ مایس سنه ۳۱۸ تاریخلی مذکرده بیان اولمش

و کیفیت « جریده محاکم عدلیه » ايله ده نشر واعلان قلمش ایدی .

بوکره حلب واطنه ولایتلری عدلیه مفتش معا ونلکندن وارد اولوب انجمنه تودیع ایدیلان ۱۰ حزران سنه ۳۱۹ تاریخلی شقه ده احکام غیاییه نک اعتراض وقوعنده کان لم یکن عد اولته جنی قانون من بوزک یوز یتیش برنجی ماده سنده مرقم اولسنه نظراً انجمن قرارى وجهله ایکنجی ویا اوچنجی یوم محاکمه ده اثبات وجود ایتیان معترض رد استدعا سی میدانده لازم الاجرا برحکم اولمامسندن ناشی معاملات اجرایشی اشکال ایده چکی بیانیله استفسار کیفیت اولمشدر .

اصول محاکات جزایه قانونسک یوز قرق برنجی وبوز یتیش ایکنجی ماده لرنده قباحث وجنحه دعوا لرندن دولای غیایاً لاحق اولان اعلانات علیهنده وقوع بولان اعتراض اوزرینه تعیین قلسان بوم محاکمه ده معترض حضوردن امتناعی حالنده اعتراضک کان لم یکن حکمنده عد اولته جنی وردها اعتراض اتمک حققی حائز اولدینی مصرح اولسنه کوره شو تعرفاته توافق ایدن احوالده مادین مذکور تین احکامنه تطبیق معامله جای تردد اولیوب انحق برنجی یوم محاکمه ده حاضر بولان معترض وجاهنده محکمه جه بر درجه یه قدر تدقیق واسباب قانونیه یه بناء اکالی یوم آخره تعلیق قلسان موادک ایکنجی ویا خود آئی تعقیب ایدن اوچنجی محاکمه سنده حضوردن امتناع ایش اولان معترضه انجمنک اولکی مذکره سنده کوسترلیدی وجهله حقلرنده لاحق اولان احکام غیاییه قبول ایش نظرله باقیلهرق بونلرک اعتراض استدعا نامه لرینک ردی ویا تدقیقات ومحاکات غیایاً اتمامیه مظنون اولدقلى فعل وحرکت حقنده نتایج تحقیقاته کوره یکیدن حکم وقرار اعطاسی شقلرندن هانکینسک اتخاذ واجرایی لازم کله چکنه دایر قانون مذکورده بر ماده صریحه نک موجود اولماسی اول و آخر استفسار معامله یه سببت ورمش اولدیفندن شوجهت انجمنجه تکرار موقع تدقیقه قونلدقده جنحه وقباخته متعلق اولان اعلانات غیاییه نک مدت معینه سی طرفنده اعتراض وقوعیه برابر برنجی یوم محاکمه ده معترضک اثبات وجود ایدلیدی صورتده کان لم یکن حکمنده عدی قانون من بوزک یوز اتوز طوقوزنجی وبوز یتیش برنجی ویا یتیش ایکنجی ماده لری ایجاب ایدندن اولسنه باقیلجنه ذکر اولان اعلانات غیاییه نک بالکثر علیهنده اعتراض وقوعندن طولای بر طرف اولیوب برنجی محاکمه کوننده معترضک حاضر بولنسی کیفیتى دخى جمله شرائط قانونیه دن وبرنجی دفعه وقوع بولان دعوته اجابت ایتیان معترضه شرائط مذکورده نی تمامیه ایفا

ایتمامش نظرله باقیلحق وبناء علیه اعتراضک ردیه ذاتاً کان لم یکن حکمنه کیرماش اولان حکم غیاییه نک استیناف وتمیز طریقله معاملات اجرایشی تعویق وتأخیر ایتدیرلمدیکی صورتده تنفیذی جهته کیدلک مقتضیات قانونیه دن اولوب انحق اعتراض استدعا نامه سی اعطا ایتکله برابر برنجی محاکمه کوننده دخى حاضر بولمش اولان معترض حقنده کی حکم غیاییه نک صراحت قانونیه وجهله کان لم یکن حکمنده عد و اعتبار اولته جنی طبیی وشوالده ایکنجی ویا اوچنجی محاکمه ده حضوردن امتناع وقوعنده برنجی محاکمه ده اثبات وجود ایتیان معترضک حقنده جاری معامله یه قیاساً رد اعتراض بولنده ویریه چک اعلامک نوع جرمندن طولای برحکم وقراری متضمن اولمامسندن اولکی اعلام غیاییه نک دخى بر منوال معروض کان لم یکن عد و اعتبار ایدیلرک اعاده حکمی غیر قابل بولنسندن ناشی اورته ده تنفیذ و اجرا اولته جنی حکمی حاوی اعلام غیر موجود اولسیله شوم معامله دن برتیجه قانونیه حاصل اولیه جنی بدیهی بولنسنه نظراً قانون مذکورک یوز یتیش ایکنجی ماده سنک بویکی احوالده مابه الطبیق اولیه جنی درکار بولمش و اصول محاکات جزایه قانونسک احکام عمومیه سندن استنباط اولدینی اوزره اعتراض استدعا نامه سی اعطا ایش وبرنجی محاکمه ده حاضر بولمش اولان معترضک دیگر محاکاتک ایام معینه سنده بناء اکالی یوم آخره تعلیق قلسان موادک ایکنجی ویا خود آئی تعقیب ایدن اوچنجی محاکمه سنده حضوردن امتناع ایش اولان معترضه انجمنک اولکی مذکره سنده کوسترلیدی وجهله حقلرنده لاحق اولان احکام غیاییه قبول ایش نظرله باقیلهرق بونلرک اعتراض استدعا نامه لرینک ردی ویا تدقیقات ومحاکات غیایاً اتمامیه مظنون اولدقلى فعل وحرکت حقنده نتایج تحقیقاته کوره یکیدن حکم وقرار اعطاسی اصولاً وقاعده مقتضى اولتهرق شوقدر که ذات مسئله بدایت محکمه سنجه ایکی دفعه رؤیت وتدقیق ایدلمش دیمک اولدینی وتکرار او محکمه یه اعتراض استدعا نامه سی اعطاسیه محاکمه وجاهیه اجرایی طلبه قانون من بوزک تعریف و بیان ایدلیدی اصول مراجعت مساعد اولدینی جهته محکوم علیک ایتدیدی حالده استیناف وتمیز دعوا سنه تشبث ایده بیلیمک اوزره سالف الذکر ایکنجی حکم غیاییه نک قطعی عد و اعتبار اولتهرق تسلسل معامله یه میدان ویرلیماسی ده ایجابات قانونیه دن کورنمش اولدیفندن احوال نمائنده بعد ازین بو وجهله حرکت اولنق لزومک تصحیحاً وتعمیاً تبلیغی تذکر قلندی .

محاکات و مقررات

کوملجنه سنجائی بدایت محکمه سی مدعی عمومی معاون سابق علی رضا بکک اوراق انفصالیه ومدافعه نامه سی انجمن انتخاب مأمورین عدلیه جه لدی التدقیق جواز استخدانه قرار ویرلشدر .

محکمه تمیز استدعا دأثره سندن تنظیم واعطا قلسان ۱ نیسان سنه ۳۱۹ تاریخلی اعلامدر :

دارنده قضای اهالیسنندن حاجی خنی افانک آلاجق دعوا سنده یلان بره مین ایتدیدی ادعا اولتان قضاء مذکور بدایت محکمه سی اعضای سابقه سندن شاملیان حیراقدی حقنده هیئت مخصوصه اتهامیه دن ویریلان مضبطه ايله مذکور مضبطه یه سیواس ولایتی هیئت اتهامیه سندن یازیلان ۷ کانون ثانی سنه ۳۱۸ تاریخلی ذیل مندرجاتک یکدیگرینه مباین اولدینی بیان اولنسنندن طولای تعیین مرجع دعوی طلبی حاوی ولایت مذکوره استیناف محکمه سی مدعی عمومیکندن ۱۳ کانون ثانی سنه ۳۱۸ تاریخلی تخریراته ارسال اولتان اوراق باش مدعی عمومیک مأموریت بهیه سنک ۱۹ مارت سنه ۳۱۹ تاریخلی تبلیغنامه سی ايله برلشدر یلرک محکمه تمیز استدعا دائرمنه تودیع اولمغله قرائت ومطالعه اولندی .

اوراق مذکوره مألیرنه نظراً مومی الیه شاملیان افدینک جرم مدعا یه ایشای مأموریت ایتدیدی برزمانده جرائق ادعا قلندیفندن وحکامک ایشای وظیفه ایتدیدی بر زمانده وقوعه کتور دکرلی جرایمندن طولای حقلرنده اصول محاکات جزایه قانونسک اوچوز سکسان بشنجی ماده سنه توفیقاً معامله ایشای لازم کله چکندن بختله اوراق دعوانک مدعی عمومیکه تودیمه دایر هیئت مخصوصه اتهامیه دن ویریلان قراره سیواس ولایتی هیئت اتهامیه سندن یازیلان ذبلده دخى قانون مذکورک اوچوز سکسان نتیجی ماده سی موجبجه معاملات متعاقبه نک اجرایی اقتضا ایده چکی بیانیله اوراق مرقومه نک مدعی عمومیکه اعاده قلندینی و بوبایده درمیان اولتان صلاحیت دعوا سنک مرجع تدقیقک تعیینی محکمه تمیزه عائد بولندینی بیانیله مقتضای قانونسک ایشای اشعار ومارالذکر تبلیغنامه ده دخى اساساً اشبو دعوا ده ایکی قطعه مضبطه موجود اولدینی کی مبانیت دخى حدوث ایتماش اولسنه وقانوناً حکامک ایشای مأموریت ایتدیدی انشاده ارتکاب ایده چکری جرایمندن طولای قانون مذکورک اوچوز سکسان بشنجی ماده سنه توفیقاً حقلرنده معامله ایشای لاید بولنسنه بناء تعیین مرجع حقنده واقع اولان طلبک ردی لازم کله چکی ازبار اولنشددر .

ایجابی لدی المذاکره هیئت مخصوصه اتهامیه مضبطه سنه مبانیتندن بحث اولتان سیواس ولایتی هیئت اتهامیه سی قرارى اصول محاکات جزایه قانونسک تعریفاتی دائره سنده لاحق اولیوب هیئت مذکوره رئیسک اعاده اوراق حقنده یازدینی بر درکناردن

عبارت اولتهرق بویکا مضبطه اتهامیه نظرله باقیله میه جنی وبناء علیه میدانده یکدیگره مابین مضابط اتهامیه موجود اولدینی جهته تعیین مرجع حقنده وقوع بولان طلبک ردینه ۱ نیسان سنه ۳۱۹ تاریخنده متفقاً قرار ویرلدى .

محکمه تمیز استدعا دأثره سندن وظیفه و مرور زمانه متعلق تنظیم واعطا قلسان اعلامدر :

ارضرومک حاجی جمعه محله سی سکنه سندن متوفی محمود افندی زوجه سی فاطمه و کریمه لرى نوریه وناظمه وهدیہ خاتمالیه ییلرنده متکون دعوا یه دایر ارضروم ولایتی مرکز بدایت محکمه سی حقوق دائره سندن لاحق اولان ۲۱ تشرین اول سنه ۳۱۵ تاریخلی اعلامک تمیز تی مستدعی محله مذکورده مقیمه تیور اغا کریمه سی حوا خانمک ویردیکی عرضحال ومقرعاتی باش مدعی عمومیک مأموریت بهیه سنک مطالعه نامه سیله برلشدر یلرک محکمه تمیز استدعا دائره سنده لدی التدقیق اساس دعوی قابل استیناف اولوب مدت استینافیه سنک اقتضاسیه کسب قطعیت ایتدکدن صکره تمیز دعوی ایدلیدی ومدت وشروط قانونیه سته دخى موافق بولندینی آکلاشلغمغله عرضحال من بوزر بالقبول اعلام مذکورک شامل اولدینی وظیفه و مرور زمان قرارلری حقنده تدقیقات تمیزیه اجراسنه ابتدار قلندی .

اعلام من بوزک خلاصه مائی : مرقومون فاطمه ونوریه وناظمه وهدیہ خاتملرک تصرف ادعا سنده بولندقلى براب خانیه خارجاً قپو کشادیه مداخله ایدن من بوزره حوا خانمک منع مداخله سی ضرر وزیانلرینک تصعینی ايله اقامت ایتکده اولدینی بر اوطنه نک تخلیه سی حقنده محکمه مرقومه به بالراجعه اقامه ایدلکری دعوا یه قارشو منازع فیه خانیه ذی الید اولدینی بالینه العادله ثابت اولان مدعی علیها حوا خانم وکیلی مدعا به خانیه نک لث حصه سی بوندن قرق سنه اول وفات ایدن موکله سنک پدری حاجی تیور اغا ايله اخیراً وفات ایدن والدیه سی فاطوش خاتمدن موکله سنه انتقال ایش و بوندن یکرمی سنه مقدم خانه مذکور بین الورنه رضاء بالتقسیم براب اوطه سیله بر قپوه اوجاغی موکله سنه تخصیص ایدیلرک اولصورته موکله سی محل من بوزره مقیمه بولمش ایدوکئی ومع مافیه ازندن منبعث اولان دعوا یه واقعنه نک رؤتی محکمه شرعیه به عایدیتی مدافعه بیان ومدیدلر وکیلی دخى منازع فیه خانه موکله لرینه متوفی پدرلری محمود افندیدن انتقال ایدوب پدرلری مومی الیه ایسه بوندن اون یدی سنه اول وفات

ایتدیدی جهته مدعی علیهانک ادعا سنده مرور زمان بولندینی ومدعی علیها من بوزره نک فاطوش خاتمدن موروث مذکور خانه ده انحق یوز قرق درت سهم اعتباریه اون بر سهمی اولدینی درمیان ایللری اوزرینه اولباده جریان ایدن محاکمه وتدقیقات نتیجه سنده منازع فیه خانه یه کشاد اولتان قپونک سدی وواقع اولان مداخله نک منی طلبندن عبارت بولان دعوا یه واقعنه نک رؤتی محاکم حقوقیه نک وظیفه سی داخلنده اولدیفنه ومدعی علیها وکیلی موکله سنک خانه منازع فیه حصه سنه مقابل اقامت ایدلیدی محک یکرمی سنه مقدم تخصیص قلندینی افاده ایسنه وحاجی تیور اغانک دخى قرق سنه مقدم وفاتی وقوع بولدی طرفینک افاده سندن آکلاشلغمه نظراً کرک حاجی تیور اغانک وفاتسندن وکرک متوفای مرقومدن حصه سنه مقابل تخصیص ایدیلان محک تاریخ تخصیصندن شمدیه قدر اون بش سندن زیاده مدت مرور ایتسیله من بوزره حوا خانمک پدرندن کندوسه انتقال ایتدیکئی بیان ایدلیدی حصه حقنده کی جهت ادعا ده مرور زمان واقع اولدینی بیانیله مجله نک بیک الی یوز التمشجی ماده سی حکمنه توفیقاً ذکر اولان حصه حقنده کی جهت ادعا نک عدم استماعنه وخانه من بوزک یوز قرق درت سهمندن اون بر سهمی مدعی علیها حوا خانمک حصه سنه اصابت ایتدیدی لدی الاستعلام محکمه شرعیه دن وارد اولان تذکره جوابیه ده بیان وافاده قلمش ومذکور خانه نک قابل تفریق وتقسیم اولدینی عند الکشف آکلاشلمش ایدوکنه منی طرفینک خانه منازع فیه استعمال ایتلرینه وکساد ایدیلان قپو حقنده مدعیلرک منع معارضه لرینه حکمدن ومستدعی حوا خانمک اشبو حکم علیهنه لایحه سنده مندرج اعتراضاتک مؤداسی متوفی برادرینک ورته سی میاننده صغیر اولسیله ترکیبی محکمه شرعیه معرفیه لر تخریرا ویش ودعوا یه واقعده ارته متعلق بولمش اولدینی حالده کیفیتک محکمه شرعیه عایدیه دایر سرد ایتدیدی اعتراضک ردینه قرار ویرلسی ومنازع فیه خانه ده مدعیلرله معاومشترکا مقیمه بولندقلى طرفینک اقراریه متحقق بولمش ایکن مذکور خانه نک پدرندن توارث ایتدیدی حقنده کی مدافعه سنک مرور زماندن طولای عدم استماعنه قرار ویرلسی مغایر قانون ایدوکندن بمثله اعلام مذکورک نقض استدعا سندن ومطالعه نامه نک مفادیده محل منازع فیه وقوع بولان مداخله نک منی طلبندن عبارت اولان دعوا یه واقعنه نک رؤتی محاکم حقوقیه نک وظیفه سی داخلنده اولدیفنه منی وظیفه حقنده کی اعتراضاتک موافق قانون کوریله مدیدی بیانندن عبارت بولنشددر .

ایجابی لدی المذاکره دعوائی واقعہ نک رؤیتی محاکم حقوقہ نک وظیفہ سی داخلہ اولدیغنه دائر اولان قرار میز به ماهیت ادعایه نظراً اصول وقانونه موافق اولدیغنه منبی علیهنه سرد ایدیلان اعتراضاتک ردیله مار الذکر وظیفه قرارینک تصدیقنه اکثریتله و مرور زمان حق حقدنه کی قراره کلنجه مدعی علیها حوا خاتمک حق تصرفه متدائر سرد ایلدیکی مدافعہ نک مرور زمانه تابع اولمدینی مقتضیات احکام قانونیه دن اولدینی حالده مرور زمانه رد مدافعہ سنه قرار ویرلمش اولسی مغایر قانون بولندینی کی منازع فیه خانہ نک بر اوطه سیله قهوه اوجاغی یکر می سنه دنبرو تصرف ایتدیکی حقدنه در میان ایلدیکی مدافعہ سی دخی مدعیله وکیلنک تصدیق و اعترافی آلتند اولسنه نظراً بوجهته ده تعرض ایدلما سی مخالف قانون ایدو کندن اصول محاکمات حقوقیه قانوننک ایکی یوز اوتوز ایکنجی ماده سی موجبجه مار الذکر مرور زمان قرارینک تقضیله جهت منقوضه نک یکیدن بالتدقیق حکم واعلامه ربطی ضمننده محکمه مرقومه یه اعاده سنه و بش یوز سکسان طقوز غروش مصارف تمیزیه نک بالآخره حقسنر چیقه جق طرفه راجع اولمق اوزره اول امرده مستدعیه حوا خاتمدن آلتسنه ۳۱۶ اغستوس سنه تاریخنده متفقاً قرار ویرلدی .

در سعادت جنایت محکمه سندن برائی متضمن تنظیم واعطا قلنان اعلامدر :

اوجیوز اون الی سنه سی شهر تموزینک اون یدنجی کیجه سی شیه قضاسنه تابع یکی کوی یوقاری محله سنده بالی اوغلی آپوستولک خرمننده بر ییغین حنطه سیله بر ییغین کتان باغلینی احراق ایلدیکی ادعا سیله مظنون علیه اولان شیه یکی کویلی اولوب چوبانلق ایتدیکنی سوبلیان اوتوز درت یاشنده چالق اوغلی دیمتری ولد یورکینک جنایتله اتهامنه دائر هیئت اتهامیه دن تنظیم قلنان مضبطه ایله استیناف مدعی عمومیلکنک ۲۶ حزبران سنه ۳۱۹ تاریخ والی یوز التمش بر نومرو لی اتهامیه سی اوراق متفرعه سیله برابر محکمه جنایتیه تودیع قلنمغه بالمطالعہ تفصیلاتی اولاباده طوتیلان ضبطنامه دن مستبان اوله جنی اوزره اصول محاکمات جزائییه قانوننک باب نانیسنک فصل رابعنده محرر اولان معاملات ابتدائییه بعد الا یفا اوجیوز اون طقوز سنه سی اغستوسنک اون ایکنجی کونی متهم مرقوم علی الاصول توقیفخانه دن کتور دیلهرک وکیلی مرمر اوغلی ولادمیروس افندی واستیناف مدعی عمومیلکی باش معاونی سعادتلو حیدر

بک افندی ایله مدعی شخصی آپوستول حاضر اولدقاری حالده محاکمه علیهنه اجراسنه بالابتدار اوراق دعوائنک قرائتدن وشاهدلرک شهادتینک و طرفینک ادعا ومدافعاتینک استماعدن صکره محاکمه یه ختام ویریلهرک مذاکره اوطه سنه کیدلدی .

ایجاب کیفیت لدی المذاکره متهم دیمترینک شیه یکی کوی یوقاری محله سنده بالی اوغلی آپوستولک خرمننده کی حنطه دملریله کتان باغلینی احراق ایتدیکی ادعا اولنمغه ایسه ده جریان ایدن محاکمه ده در میان اولنان اسباب حکمی موجب بینه ودلائلدن اولمدیغنه منبی مرقوم دیمترینک برائتیه اوجیوز اون طقوز سنه سی اغستوسنک اون ایکنجی کونی اکثریتله قرار ویریلهرک اصول تفهیمی ایفا قلندی .

اعلانات

تجارت بحریه محکمه سنده :

محمود پاشاده ۲۹۱ نومرو لی مغازه ده و بروسه ده تیمور قیوچار شوسنده بلا نومرو دکانده ساکن ایکن تجارت بحریه محکمه سندن افلاسنه حکم اولنش اولان حاجی آره ریک وهایک چادر جیان ذمتنده آله جغنی اثبات ویا موقتاً قبول وقید ایتدیرمش اولان آله جقولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفدن تکلیف اولنه جق قوتقور داتونک مذاکره سی ایچون تشرین اولک یکر می طقوزنجی چهارشنبه کونی محکمه مذکورہ نک افلاس اوطه سنه کلری اعلان اولتور .

اعلامات نظامیه اجرا دائره سنده :

لطیفه خاتمک علی رضا بک ذمتنده با اعلام نظامی آله جنی اولان مبالغت تأمین استیفاسی ضمننده دایسه مزبورہ عهده سنه وفاء مفروغ و فروختی محکوم بولنان غریباحسین اغا محله سنده اقسرای جاده سنده واقع تخمیناً ایکیوز یکر می درت آرشون عرصه اوزرینه منبی و تخمیناً التمش آرشون آرالی حاوی شهری اوچ عدد عثمانی لیراسی ایجار کتور بر یوز طقسان الی نومرو لی برباب قرائتخانه دروننده مستقر بر عدد بررکد کیله ملکینک ناک حصه لرینک تاریخ اعلاندن اعتباراً اون بش کون صکره بالمزایده فروخته تشبث اولنه جنی در سعادت اعلامات نظامیه اجرا دائره سندن اعلان اولتور .

فاطمه زهرا خاتمک بکرافندی ذمتنده با اعلام آله جنی اولان مبالغت معلومه نک تأمین استیفاسیچون مدیون مرقومک ملازیرکده امام افندی زقاغنده اوتوز

نومرو لی ایکیوز طقسان آرشون اوزرینه منبی بش اوطه و بر صوفه وایکی مطبخ و بر قیو و بر مقدار آرالی و آروجه یتش آرشون باغچه یی حاوی برباب اخشاب کهنه خانہ نک ربع حصه سنک تاریخ اعلاندن اعتباراً اون بش کون صکره بالمزایده فروخته تشبث اولنه جنی در سعادت اعلامات نظامیه اجرا دائره سندن اعلان اولتور .

یره ووم پاپازیان افندی نک با اعلام نظامی مسروب وزوجه سی کلرنک قادین ذمتنده الاجنی اولان مبالغت تأمین استیفاسی ضمننده مرهون و فروختی محکوم بولنان قومقپوده شیخ فرهاد محله سنده مصلی جاده سنده واقع تخمیناً ایکیوز آرشون عرصه اوزرینه منبی اوچ قات اولهرق یدی اوطه وایکی صفه و آلتند برباب دکانی و بر مطبخی و بر صهرنجی و تخمیناً در یوز قرق آرشون باغچه یی و درون باغچه ده بر قیو و بر خجری و درون مخزنده ایکی قیوی حاوی و شهری ایکیوز قرق غروش ایجار کتور بر اوچ نومرو لی مع باغچه برباب خانہ نک تاریخ اعلاندن اون بش کون صکره بالمزایده فروخته تشبث اولنه جنی در سعادت اعلامات نظامیه اجرا دائره سندن اعلان اولتور .

متوفاة نظیره خاتمک طومه افندی یه دینی اولان مبالغت تأمین استیفاسیچون مرهون و فروختی با اعلام محکوم بولنان اناطولی حصار ی و قاکلیجه کورفری قربنده حصار جاده سنده واقع محفوظ خریطه سنده کوسترلدیکی اوزره اون ایکی نومرو لی مع باغچه بر باب ساحلخانه دن مفرز بیک طقوز یوز اون بر آرشون اون پارمق باغچه یی و تخمیناً الی یوز آرشون عرصه اوزرینه منبی اون ایکی اوطه وصالون و سائرہ یی حاوی بش نومرو لی مع باغچه خراب اخشاب ساحلخانه قسمینک تمامی و سالف الذکر اون ایکی نومرو لی مع باغچه و ساحلخانه مشتملاتندن کوشک و باغ و ترلانک اون حصه اعتباریله بر وایکی حصه نک بش حصه ترتیبیله بر حصه لری اجرا قلنان مزایده نتیجه سنده لیرای عثمانی یوز غروش حسابیله یکر می الی بیک غرو شده طالبی عهده سنده تقرر ایتش وموقه قرار داده سی کشیده قلنمش اولدیغندن یوزده بش ضم ایله طالب اولانلرک ودها زیاده معلومات آلمق ایستیانلرک اوتوز برکونه قدر یوزده اون نسبتنده بی اچملر نی مستصحباً در سعادت اعلامات نظامیه اجرا دائره سنه مراجعت ایللری اعلان اولتور .